

西漢會要

十五

西漢會要卷第四十六



從事郎前撫州州學教授臣徐



民政一

戶口



自高祖訖於孝平民戶千二百二十三萬三千六十

二口五千九百五十九萬四千九百七十八漢極盛

矣地理志師古曰漢之戶口當元始二年最為殷盛故志舉之以為數

京兆尹元始二年戶十一萬九千五百七十八左馮翊戶二

十三萬五千一百一十九右扶風戶三十一萬一千七百七十八

弘農郡戶十一萬八千九百五十四河東戶四

郡戶九萬二千九百九十六大原郡戶九千八百

上黨郡戶三十三萬三千七百九十八

河內郡戶六十四萬七千九百七十四河南郡戶二十七

東郡戶四十四萬一千二百六十五

陳留郡戶四十一萬九千五百八十五潁川

汝南郡戶四十一萬九千五百八十五

南陽郡戶三十五萬九千五百八十五

南郡戶七十二萬五千五百七十九江夏郡

廬江郡戶三十二萬四千

九江郡戶八十五萬五千山陽

濟陰郡戶二十五萬

沛郡戶四十二萬九千七百九十九魏郡戶

二百七十八萬六千

三萬八千六百八十六信都國三戶六萬五千五百五十六口

間國八戶四萬五千六百六十三口廣陽國四戶二萬七千七百

六百五十八崑川國二戶五萬二千八百三十九口膠東國二戶七

千二百三十三萬高密國九戶四萬五千五百三十一口十

城陽國二戶五萬三千六百八十四口淮陽國一戶五十三

五百四十四口九十九口梁國十戶三萬八千七百九十一口東

平國一戶十三萬七千九百七十六口魯國一戶四十一萬八

六百八十一口楚國一戶四十二萬四千八百四十八口泗水國

一戶二萬五千二百五十四口廣陵國一戶三萬六千七百七

二千六百六十一口安國一戶三萬八千六百一十六口長沙國一

萬三千四百七十七口二十萬五千八百二十五口

西漢會要四十六 吳文

漢興大城名都民人散亡戶口可得而數裁什二三

及至文景四五世間流民既歸戶口亦息高惠文功臣表

孝文即位趨勸農桑減省租賦蓄積歲增戶口寢息

刑法

文景務在養民武帝贊

孝昭承奢侈餘弊師旅之後海內虛耗戶口減半霍

光知時務之要輕徭薄賦與民休息至始元元鳳之

間匈奴和親百姓充實昭帝贊

王成爲膠東相勞來不急流民自占八萬餘口賜爵

關內侯秩中二千石後或言成僞自增加以蒙顯賞

本傳

黃霸為潁川守戶口歲增治為天下第一

本傳

召信臣為南陽守百姓歸之戶口增倍

本傳

哀平之世百姓訾富雖不及文景然天下戶口最盛

矣

食貨志上

風俗

凡民函五常之性而其剛柔緩急音聲不同繫水土之風氣故謂之風好惡取舍動靜亡常隨君上之情欲故謂之俗孔子曰移風易俗莫善於樂言聖王在上統理人倫必移其本而易其末此混同天下一之序中和然後王教成也漢承百王之末國土變改人民遷徙成帝時劉向略言其地分丞相張禹使屬潁川朱贛條其風俗猶未宣究故輯而論之終其本末著于篇

西漢會要四十六

序

卷六

秦地於天官東井輿鬼之分壑也其界自弘農故關以西京兆扶風馮翊北地上郡西河安定天水隴西南有巴蜀廣漢犍為武都西有金城武威張掖酒泉燉煌又西南有牂柯越雋益州皆宜屬焉漢興立都長安徙齊諸田楚昭屈景及諸功臣家於長陵後世世徙吏二千石高訾富人及豪傑并兼之家於諸陵蓋亦以疆幹弱支非獨為奉山園也是故五方雜厝風俗不純其世家則好禮文富人則商賈為利豪傑則游狹通姦瀕南山近夏陽多阻險輕薄易為盜賊

常為天下劇又郡國輻湊浮食者多民去本就末列
侯貴人車服僭上衆庶放效羞不相及嫁娶尤崇侈
靡送死過度天水隴西山多林木民以板為室屋及
安定北地上郡西河皆迫近戎狄修習戰備高上氣
力以射獵為先漢興六郡良家子選給羽林期門以
材力為官名將多出焉故此數郡民俗質木不耻寇
盜自武威以西本匈奴昆邪王休屠王地武帝時攘
之初置四郡以通西域隔絕南羌匈奴其民或以關
東下貧或以報怨過當或以諄逆亡道家屬徙焉晉
俗頗殊地廣民稀水山宜蓄牧故涼州之蓄為天下
饒保邊塞二千石治之咸以兵馬為務酒禮之會上

下通焉吏民相親是以其俗風雨時節穀糴常賤少
盜賊有和氣之應賢於內郡此政寬厚吏不苛刻之
所致也巴蜀廣漢本南夷秦并以為郡土地肥美有
江山沃野山林竹木䟽食果實之饒南賈滇越僮西
近印苻苻馬旄牛民食稻魚亡凶年憂俗不愁苦而
輕易淫泆柔弱褊阨景武間文翁為蜀守教民讀書
法令未能篤信道德反以好文刺譏貴慕權執及司
馬相如游官京師諸侯以文辭顯於世鄉黨慕循其
迹後有王褒嚴遵揚雄之徒文章冠天下繇文翁倡
其教相如為之師故孔子曰有教亡類武都地雜氏
羌及犍為牂柯越雋皆西南外夷武帝初開置民俗

略與巴蜀同而武都近天水俗頗似焉故秦地天下
三分之一而人衆不過什三然量其富居什六秦
吳札觀樂爲之歌秦曰此之謂夏聲夫能夏則大
夫之至也其周舊乎自井十度至柳三度謂之鶉首之
次秦之分也自魏地至吳地並見地理志不詳錄

西漢會要卷第四十六

西漢會要卷第四十七

從事郎前撫州州學教授臣徐天麟上進

民政二

傳籍

景帝二年令天下男子年二十始傳本紀師古曰傳

給公家徭役曰天麟按高祖發關中老弱未傅者悉

諸軍如淳曰律年二十三傳之疇官高不滿六尺二

寸以下為疲癯漢儀注民年二十三為正一歲為備

士一歲為材官騎士習射御戰陳年五十六乃免

為庶民就田里則知漢初民在官三年也今

景帝更為異制令男子年二十始傳則在官三十有

六年矣

更役

秦用商鞅之法月為更卒已復為正一歲屯戍一歲

力役三十倍於古師古曰更卒謂給中都官者也率計全

人一歲之中屯戍及力役之事漢興循而未改食貨

三十倍多於古也更音工衡反

更賦昭細如淳曰更有三品有卒更有踐更有過更

卒更也貧者欲得顧更錢者次直者出錢顧之月二

千是謂踐更也天下人皆直戍邊三日亦名為更律

所謂繇戍也雖丞相子亦在戍邊之調不可往便還因便往

行三日戍又行者當自戍三日不可往便還因便往

一歲一更諸不行者出錢三百入官官以給戍者是

為過更也律說卒踐更者居也居更縣中五月乃更

也後從尉律卒踐更一月休十一月也食貨志曰月

文帝偃武行文丁男三年而一事

賈捐之傳如淳曰

下民多故三歲而一事

此漢初因秦法而行之也後遂改易有謫乃戍邊一歲耳

吳以銅鹽故百姓無賦卒踐更輒予平賈吳王漢傳

漢氏常有更賦罷癘咸出食貨志王莽下令云云晉

昭帝元鳳四年詔三年以前逋更賦未入者皆勿

收紀

鄉役

十里一亭亭有長十亭一鄉鄉有三老有秩嗇夫游

徼三老掌教化嗇夫職聽訟收賦稅游徼禁循盜賊

縣大率方百里其民稠則減稀則曠鄉亭亦如之皆

秦制也百官表漢官儀曰游徼亭長皆習設備五兵

刀持楯被甲設矛戟習射十里一亭亭長亭候五里

一郵郵間相去二里半司姦盜亭長持二尺板以劾

賦索繩以

西漢會車四十七

二

泛役

著外繇附

惠帝三年發長安六百里內男女十四萬六千人城

長安三十日罷五年復發長安六百里內男女十四

萬五千人城長安三十日罷並紀

武帝元狩三年發謫吏穿昆明池師古曰吏有罪者罰而役之

成帝河平元年卒治河者為著外繇六月溝洫志師古曰以卒

治河有勞雖役日近皆得此繇代六月也著謂著於簿籍

後二歲河復決作治六月乃成治河卒非受平賈者

為著外繇六月溝洫志平賈謂產也其受平賈者不在著外繇之數

哀帝建平二年葬帝太后定陶發陳留濟陰近郡國

五萬人穿復土紀按漢世力役非一姑舉此數條以見役法之例

雜錄

文帝時晁錯說上曰今農夫五口之家其服役者不下二人其能耕者不過百晦百晦之收不過百石春耕夏耘秋獲冬藏伐薪樵治官府給繇役春不得避風塵夏不得避暑熱秋不得避陰雨冬不得避寒凍四時之間亡日休息又私自送往迎來弔死問疾養孤長幼在其中勤苦如此食貨志上

西邊北邊之郡雖有長爵不輕得復五尺以上不得

休息賈誼傳

信武侯靳歙坐事國人過律免功曰表師古曰事謂役使之也

復除

從軍

漢二年蜀漢民給軍事勞苦復勿租稅二歲關中

卒從軍者復家一歲高紀下同

五年詔諸侯子在關中者復之十二歲其歸者半之軍吏卒賜爵非七大夫已下皆復其身及戶勿事

八年令吏卒從軍至平城及守城邑者皆復終身勿事

十一年諸縣堅守不降反寇者復租三歲

六月令士卒從入蜀漢關中皆復終身

十二年詔吏二千石入蜀漢定三秦者皆世世復

豐沛

高祖十一年四月令豐人徙關中者皆復終身

十二年以沛為湯沐邑復其民世世無有所與沛

父兄請復豐乃并復豐比沛並本

民產子

高祖七年民產子復勿事二歲本

三老

漢二年置鄉三老擇鄉三老為縣三老復勿繇戍

本

孝弟力田

惠帝四年舉民孝弟力田者復其身本

武帝元朔元年詔曰朕放耆老復孝敬本

高年

文帝禮高年九十者一子不事八十者二筭不事

賈誼傳

武帝建元元年民年八十復二筭九十復甲卒本

四月詔民年九十以上已有受鬻法為復子若孫

令得身率妻妾遂其供養之事本

邊郡

晁錯說文帝募民守塞皆賜高爵復其家食貨

西邊北邊之郡雖有長爵不輕得復賈誼傳

舊都

文帝三年幸大原復晉陽中都民三歲租本紀

守冢

高祖十二年詔與秦始皇帝守冢二十家楚魏齊各十家趙及魏公子亡忌各五家令視其冢復無

與他事本紀

給祠

武帝登禮中嶽以山下戶凡三百封定高為之奉邑獨給祠復無有所與外禮志

宗室

文帝四年復諸劉有屬籍者家無所與本紀

功臣後

宣帝地節二年詔曰博陸侯功德茂盛復其後世疇其爵邑世世無有所與本紀

元康元年復高皇帝功臣絳侯周勃等百三十六人家子孫令奉祭祀世世勿絕其母嗣者復其次

上

博士弟子

武帝為博士官置弟子五十人復其身儒林傳序

通經

元帝好儒能通一經者後數年以用度不足更為設負千人上

車騎馬

晁錯疏曰令民有車騎馬一匹者復卒三人食貨志
入奴婢

武帝府庫並虛廼募民能入奴婢者得以終身復

食貨志

賈復

晁錯疏曰令民入粟至五大夫乃復一人耳食貨志

桑弘羊請令民入粟甘泉各有差以復終身食貨志

武帝兵革數動民多買復及五大夫子夫調發之

士益鮮上

元帝永光三年用度不足民多復除無以給中外

徭役紀

流民

宣帝地節二年詔流民還歸者且勿筭事紀

本始三年大旱二輔民就賤者且毋收事紀

執喪

宣帝地節四年詔諸有大父母父母喪者勿繇事

使得收斂送終盡其子道紀

宮人

景帝遺詔出宮人歸其家復終身紀

節婦

平帝復節婦鄉一人

國漢會要卷第四十七

西漢會要卷第四十八

從事郎前撫州州學教授臣徐天麟上進



民政三

置三老 賜帛附

高祖二年舉民年五十以上有修行能帥眾為善置以為三老鄉一人擇鄉三老一人為縣三老與縣令丞尉呂事相教復勿繇戍以十月賜酒肉紀本文帝十二年詔以戶口率置三老常負紀本十里一亭十亭一鄉鄉有三老掌教化表百官武帝元狩六年遣謁者循行天下諭三老孝弟以為

民師紀本

卷四十八

賈山曰天子之尊尊養三老於大學執爵而饋執爵而酢祝醵在前祝鯁在後公卿奉杖大夫進履賈山傳新城三老董公遮說漢王曰項羽無道放弑其主天下之賊也夫仁不以勇義不以力三軍之眾為之素服以告之諸侯為此東伐此三王之舉也漢王曰善非夫子無所聞於是漢王為義帝發喪兵皆縞素紀本武帝遣司馬相如諭告巴蜀責三老以不教誨之過

相如傳

戾太子發兵誅江充長安中擾亂言太子反上怒甚壺關三老茂上書竊以為正邪心書奏天子感悟

大序傳

王尊為京兆尹坐免湖三老公乘輿等上書訟尊治京兆功效日著書奏天子復以尊為徐州刺史傳尊

王尊為東郡太守河水盛溢尊躬率吏民投沈白馬請以身填金堤水波稍却白馬三老奏其狀制詔秩

尊中二千石上同

黃霸守潁川吏民興於行誼賜三老爵及帛黃霸傳

韓延壽守馮翊有昆弟訟田延壽曰咎在馮翊移病

不聽事令丞嗇夫三老亦自繫待罪延壽傳

賜三老帛

高祖以十月賜酒肉上見

文帝十二年遣謁者勞賜三老帛八五匹本紀下同

六十九

禮儀典

禮記

武帝元狩元年遣謁者賜縣三老帛八五匹鄉三老

人三匹

宣帝元康元年加賜三老帛

四年加賜三老帛八二匹

甘露三年鳳皇集新蔡賜新蔡三老帛有差

元帝初元元年賜三老帛八五匹

五年賜三老帛八五匹

元光二年賜三老帛

建昭五年賜三老帛

成帝建始元年賜三老錢帛

綏和元年賜三老帛

平帝元始三年賜三老帛

尊高年

文帝元年詔曰老者非帛不煖非肉不飽今歲首不
時使人存問長老又無布帛酒肉之賜將何以佐天
下子孫孝養其親今聞吏稟當受鬻者或以陳粟古師

曰稟給也鬻淖糜也給米使為糜鬻也以豈稱養老

之意哉具為令有司請令縣道年八十以上賜米人

月一石肉二十斤酒五斗其九十以上又賜帛人二

匹絮三斤賜物及當稟鬻米者長吏閱視丞若尉致

不滿九十嗇夫令史致二千石遣都吏循行不稱者

督之刑者及有罪耐以上不用此令本紀

卷五十四

西漢會要

三

列

文帝禮高年九十者一子不事八十者二筭不事賈山

傳師古曰一子不事蠲其賦役
二筭不事免二口之筭賦也

武帝建元元年民年八十復二筭九十復甲卒

四月詔民年九十已上已有受鬻法為復子若孫令

得身帥妻妾遂其供養之事

武帝元狩元年詔曰朕哀夫老眊孤寡鰥獨或匱於

衣食甚憐愍焉其遣謁者巡行天下存問致賜有寬

夫職使者呂聞

元帝初元元年遣使存問耆老

建昭四年臨遣諫大夫博士賞等二十一人循行天

下存問耆老

成帝永始三年臨遣大中大夫嘉等存問耆老並本紀

賜高年帛

武帝元狩二年遣謁者賜年九十以上帛人二匹絮三斤八十以上米人三石

元封元年加年七十以上帛人二匹

二年賜高年米人四石

宣帝地節三年加賜高年帛

元康二年賜高年帛

三年賜高年帛

神爵元年賜高年帛

四年賜高年帛

二百一

西漢會要四十八

五鳳三年加賜高年帛

甘露二年賜高年帛

元帝初元四年賜高年帛

永光元年賜高年帛

成帝鴻嘉元年加賜高年帛

永始四年賜高年帛並本紀

賜孝弟力田錢帛賜爵

孝文十二年遣謁者勞賜孝者帛人五匹悌者力田

二匹紀下同

後七年遺詔賜孝弟力田金錢帛各有數

武帝元狩元年賜孝弟者帛人五匹弟者力田人三四

宣帝元康元年加賜孝弟力田帛

四年加賜孝弟力田帛人二匹

甘露二年鳳皇集賜新蔡孝弟力田帛

元帝初元元年賜孝者帛五匹弟者力田三疋

五年賜孝者帛人五匹弟者力田三匹

永光二年賜孝弟力田帛

建昭五年賜孝弟力田帛

成帝建始元年賜孝弟力田錢帛有差

綏和元年賜孝弟力田帛

哀帝即位賜孝弟力田帛

宣帝神爵四年黃霸治行尤異潁川孝弟力田皆以

差賜爵黃霸傳按紀云一級

成帝建始三年賜孝弟力田爵二級

河平四年賜孝弟力田爵二級並本紀

恤鰥寡孤獨

文帝一三年賜天下孤寡布帛絮按賈山傳云出帛十萬匹以振貧民

武帝元符元年遣謁者存問致賜鰥寡孤獨帛人二

匹絮三斤縣鄉即賜母贅聚

六年遣博士六人分循行天下存問鰥寡廢疾無以

自業者貸與之

元封元年加孤寡帛人二匹

二年賜孤寡米四石

五年賜鰥寡孤獨帛貧窮者粟

六年賜天下貧民布帛人一匹

大始三年賜鰥寡孤獨帛人一匹

宣帝即位賜金錢鰥寡孤獨各有差

地節三年詔曰鰥寡孤獨高年貧困之民朕所憐也

前下詔假公田貸種食其加賜鰥寡孤獨高年帛二

千石嚴教吏謹視遇毋令失職

元康元年加賜鰥寡孤獨帛

二年賜鰥寡孤獨帛

三年賜鰥寡孤獨帛

四年正月遣大中大夫彊等十二人循行天下存問

鰥寡

三月加賜帛鰥寡孤獨各一匹

神爵元年賜鰥寡孤獨帛

四年賜鰥寡孤獨帛

五鳳三年加賜鰥寡孤獨帛

甘露二年賜鰥寡孤獨帛

三年鳳皇集賜新蔡鰥寡孤獨帛

元帝初元元年臨遣光祿大夫褒等十二人循行天

下存問耆老鰥寡孤獨困乏失職之民

五年賜鰥寡孤獨帛二疋

永光元年賜鰥寡孤獨帛

二年賜鰥寡孤獨帛

建昭四年臨遣諫大夫博士賞等二十一人循行天下存問耆長鰥寡孤獨困乏失職之人

成帝建始元年賜鰥寡孤獨錢帛各有差

鴻嘉元年賜鰥寡孤獨帛

永始四年賜雲陽鰥寡孤獨帛

平帝元始四年賜鰥寡孤獨帛並本紀

恤流民

漢二年關中大飢米斛萬錢人相食令民就食蜀漢

高紀

五年諸民略在楚者皆歸之民前或相聚保山澤不

三十三

亞及會要四十八

七

書名數今天下已定令各歸其縣復故爵田宅吏以

文法教訓辨告勿笞辱同上

漢興大城名都民人散亡逮文景四五世間流民既

歸戶口亦息功臣表

景帝即位議民欲徙寬大地者聽之本紀

武帝元狩四年山東被水災民多飢乏天子遣使振

貧民尚不能救及徙民於關以西及充朔方以南新

秦中七十餘萬口本紀云七十萬五千口衣食皆仰給於縣官

數歲貧與產業使者分部護冠蓋相望費以億計會貨志

元鼎六年山東被河災及歲不登令飢民得就食江

淮間欲留留處使者冠蓋屬於道護之下巴蜀粟以

振焉同上

元封四年關東流民二百萬口無名數者四十萬公
卿議欲請徙流民於邊以適之石慶上書願歸丞相
印上報曰惟吏多私需求無已去者便居者擾故為
流民法以禁重賦君不繩責長吏而請以興徙四十
萬口蕩搖百姓孤兒幼年未滿十歲無罪而坐率朕
失望焉石慶傳

宣帝本始三年大旱三輔民就賤者且毋收事本紀
地節三年流民還歸者假公田貸種食且勿筭事本紀
膠東相王成勞來不怠流民自占八萬餘口賜爵關
內侯秩中二千石本傳

成帝河平元年流民入函谷關天文志

四年遣博士嘉等舉行瀕河之郡避水它郡國者在
所冗食之謹遇以文理毋令失職本紀

陽朔二年秋關東大水流民欲入函谷天井壺口五
阮關者勿苛留遣諫大夫博士分行視本紀

鴻嘉四年流民欲入關輒籍納所之郡國謹遇以理本紀
平帝元始二年郡國大旱蝗青州尤甚民流亡罷罷安

定呼池苑以為安民縣起官寺市里募徙貧民縣次
給食至徙所賜田宅什器假與犁牛種食又起五里

於長安城中宅二百區以居貧民本紀

西漢會要卷第四十八

西漢會要卷第四十九

從事郎前撫州州學教授臣徐

天麟 上進

民政四

徙豪族

高帝罷平城使婁敬往結和親敬徙匈奴來因言匈奴河南白羊樓煩王去長安近者七百里輕騎一日一夕可至秦中新破少民地肥饒可益實夫諸侯初起時非齊諸田楚昭屈景莫與今陛下雖都關中實少人北近胡寇東有六國彊族一日有變陛下亦未得安枕而卧也臣願陛下徙齊諸田楚昭屈景燕趙韓魏後及豪傑名家且實關中無事可以備胡諸侯

有變亦足率以東伐此彊本弱末之術也上曰善乃

使劉敬徙所言關中十餘萬口

本傳

高祖九年十一月徙齊楚大族昭氏屈氏景氏懷氏

田氏五姓關中與利田宅

本紀

十一年令豐人徙關中者皆復終身

紀時大上皇思欲歸豐高祖乃

更築城寺市里如豐縣號曰新豐徙民以充實之

漢興立都長安徙齊諸田楚昭屈景及諸功臣家於長陵後世世徙吏二千石高些富人及豪桀并兼之家於諸陵蓋以彊幹弱支非獨為奉山園也是故五方雜厝風俗不純其世家則好禮文富人商賈則為利豪桀則游俠通姦

地理志

孝武建元三年賜徙茂陵者戶錢二十萬田二頃紀
主父偃說上曰天下豪傑兼并之家亂眾民皆可徙
茂陵內實京師外銷姦猾上從之傳本

元朔二年徙郡國豪傑凡訾二百萬以上于茂陵

大始元年徙郡國吏民豪傑于茂陵雲陵師古曰時未有雲陵

當言雲陽

孝昭始元三年募民徙雲陵賜錢田宅紀下

孝宣本始元年募郡國吏民訾百萬以上徙平陵紀

二年以水衡錢為平陵民起田宅

元康元年徙丞相列侯吏二千石訾百萬以上者杜

陵

三十八

西漢會要中十九

二

京

孝元永光四年上為初陵詔勿置縣邑使天下安土

樂業亡有動搖之心

孝成鴻嘉二年徙郡國豪傑訾百萬以上五千戶于

昌陵永始元年罷昌陵及故陵勿徙民

哀帝建平元年為初陵勿徙郡國民

長陵車千秋 施讎 安陵表盛 馮唐 籍孺 閔孺

陽陵周仁 田延年 茂陵張敞祖父 杜鄴祖父 董仲舒 郭解 杜周 原涉祖父

雲陵黃霸 平陵鄭崇祖父 平當祖父 何並祖父 朱雲 魏相 韋賢

杜陵杜延年 尹翁歸 張敞 韓延壽 蕭望之 韋元成 馮奉世 王商 史丹 田旬 黃霸 張安世

昌陵辛慶忌 班况

奴婢

高祖令民得賣子食貨志

五年詔曰民以飢餓自賣為人奴婢者皆免為庶人

本紀

文帝務勸農桑帥以儉節未有并兼之害故不為民

田及奴婢為限食貨志師丹疏

賈誼曰今歲惡不入請賣爵子食貨志注云賣爵級又賣子也

晁錯勸文帝募民徙塞下募民以丁奴婢贖罪及輸

奴婢欲以拜爵者晁錯傳

文帝時女子緹縈願沒入為官婢以贖父罪刑法志

後四年免官奴婢為庶人本紀

武帝建元元年赦吳楚七國帑輸在官者紀應劭曰吳楚七國

武帝哀焉皆赦遣之也

反時其首事者妻子沒入為官婢也

董仲舒說武帝曰宜去奴婢除專殺之威食貨志服虔曰不得

專殺奴婢也

其後府庫並虛廼募民能入奴婢得呂終身復為郎

增秩同

及揚可告緡徧天下廼分遣御史廷尉正監分曹往

往即治郡國緡錢得民財物以億計奴婢以千萬數

其沒入奴婢分諸苑養狗馬禽獸及與諸官官益雜

置多徒奴婢衆而下河漕度四百萬石及官自糴乃

足同上

在延年坐官奴婢之衣今以免官

元帝時貢禹言官奴婢十餘萬遊戲亡事稅良民以給之宜免為庶人貢禹傳

成帝永始四年詔曰公卿列侯親屬近臣多蓄奴婢被服綺縠其申飭有司以漸禁之本紀

哀帝即位詔曰諸侯王列侯公主吏二千石及豪富民多蓄奴婢田宅亡限其議限列有司條奏諸侯王

奴婢二百人列侯公主百人關內侯吏民三十人年六十以上十歲以下不在數中諸名田蓄奴婢過品

者皆沒入縣官官奴婢年五十以上免為庶人本紀平帝元始三年王莽奏吏民奴婢田宅之品本紀

雜錄

文帝時賈誼上疏曰今民賣僮者為之繡衣絲履偏諸緣納之閉中是古天子后服所以廟而不宴者也而庶人得以衣婢妾天子之后以緣其領庶人孽妾以緣其履此臣所謂舛也賈誼傳

卓王孫僮客八百人程鄭亦數百人司馬相如傳

蒼頭廬兒皆用致富非天意也鮑宣傳孟康曰黎民

民陰類故以黑為號漢名奴為蒼頭非純黑以別於良人也諸給殿中者所居為廬蒼頭侍從因呼為廬兒臣贊曰漢儀注官奴給書計從侍中已下為蒼頭青憤

家僮衛青傳臧獲婢妾司馬遷傳

僮使王莽傳奴客尹翁歸傳

僮騎張敞傳又何並傳傳婢王吉傳

私奴以千數

王廣傳

僮手指千

指千四人百
巴寡婦清傳

白衣

兩龔傳注
白衣為官府趨走賤人

父御婢

夏侯
嬰傳

庸保雜作

同馬
如傳

騎奴

何並
傳

治豪猾

濟南閻氏

閻音

宗人三百餘家豪猾二千石莫能制

於是景帝拜郵都為濟南守至則誅閻氏首惡餘皆

股栗居歲餘郡中不拾遺旁十餘郡守畏都如大府

郵部

為河內都尉至則族滅其豪穰氏之屬河內道

不拾遺

王溫舒白廣平都尉遷河內大守素名嚴廣平時皆知

河內

河內

徐

徐

河內豪姦之家及往以九月至今郡具私馬五十疋

為驛自河內至長安部吏如告廣平時方略捕郡中

豪猾相連坐千餘家上書請大者至族小者乃死家

盡沒入公贖奏行不過二日得可事論報三流血十

餘里河內皆怪其奏以為神速盡十二月郡中無犬

吠之次其類不得失之旁郡追求命且春溫舒與足嘆

曰嗟乎公冬月益展一月足五事矣

上溫
奇傳

趙廣漢守京兆尹新豐杜建為京兆掾建素豪俠實

客為姦利廣漢聞之先風告建不改於是收案致法

中貴人豪長者為請無不至終無所聽坐族賓客謀

欲篡取廣漢盡知其計議主名起居使吏告曰若計

如此且并滅家令數吏將建棄市莫敢近者京師稱之傳

廣漢遷潁川太守郡太守原褚宗族橫恣賓客犯為盜賊前二千石莫能禽制廣漢既至數月誅原褚首惡郡中震栗先是潁川豪傑大姓相與為婚姻吏俗朋黨廣漢患之厲使其中可用者受託出有案問既得罪名行法罰之廣漢故漏泄其語令相怨咎又教吏以鈔笥及得投書削其主名而託以為豪傑大姓子弟所言其後彊宗大族家家結為仇讎姦黨散落風俗大改吏氏相告訐廣漢得以為耳目盜賊以故不發發又輒得一切治理威名流聞傳

尹翁歸潁東海太守東海大豪郊許仲孫為姦猾亂吏治郡中苦之二千石欲捕者輒以力執變詐自解終莫能制翁歸至論棄仲孫市一郡怖栗莫敢犯禁東海大治傳

王尊為安定太守出教告屬縣曰太守視事一月矣五官掾張輔懷虎狼之心貪汙不軌一郡之錢盡入輔家然適足以葬矣今將輔送獄直符史詣閭下從太守受其事丞戒之戒之相隨入獄及輔繫獄數日死盡得其狡猾不道百萬姦臧威震郡中盜賊分散

入傍郡界傳

嚴延年為涿郡太守時郡比得不能太守涿人畢野

白等由是廢亂大姓西高氏東高氏自郡吏以下皆畏避之莫敢與晤咸曰寧負二千石無負豪大家賓客放爲盜賊發輒入高氏吏不敢追浸浸日多道路張弓拔刃然後敢行其亂如此延年至遣掾蠡吾趙繡按高氏得其死罪繡見延年新將心內懼即爲兩劾欲先白其輕者觀延年意怒迺出其重劾延年已知其如此矣趙掾至果白其輕者延年索懷中得重劾即收送獄夜入晨將至市論殺之先所按者死吏皆股弁更遣吏分考兩高窮竟其姦誅殺各數十人郡中震恐道不拾遺

本傳

永始元延間上怠於政貴戚驕恣紅陽長仲兄弟交

四〇三下

西域今要甲九

七

何正

通輕俠臧匿亡命而北地大豪浩南等報怨殺義渠長妻子六人往來長安中丞相御史遣掾求逐黨與詔書召捕久之迺得長安中姦猾浸多閭里少年羣輩殺吏受賕執仇相與探圓爲彈得赤圓者斫武吏得黑者斫文吏白者主治喪城中薄暮塵起剽劫行者死傷橫道抱鼓不絕尹賞以三輔高第選守長安令得壹切便宜從事賞至修治長安獄穿地地方深各數丈致令辟爲郭以大石覆其口名爲虎穴乃部戶曹掾史與鄉吏亭長里正父老伍人雜舉長安中輕薄少年惡子無市籍商販作務而鮮衣凶服被鎧扞持刀兵者悉籍記之得數百人賞一朝會長安吏車數

百兩分行收捕皆効以爲通行飲食羣盜賞親閱見
十置一其餘盡以次內虎穴中百人爲輩覆以大石
數日壹發視皆相枕藉死便輿出瘞寺門旦東揭著
其姓名百日後廼令死者家各自發取其尸親屬號
哭道路皆歔郗長安中歌之曰安所求子死旦東少
年場生時諒不謹枯骨後何葬賞所置皆其魁宿或
故吏善家子失計隨輕黠願自改者財數十百人皆
貫其罪詭令立功以自贖盡力有効者因親用之爲
爪牙追捕甚精甘者姦惡甚於凡吏賞視事數月盜
賊止郡國亡命散走各歸其處不敢闕長安江湖中
多盜賊以賞爲江夏太守捕格江賊及所誅吏民甚
多坐殘賊免南山羣盜起以賞爲右輔都尉遷執金
吾督大姦猾三輔吏民甚畏之

尹賞傳

西漢會要卷第五十

從事郎前撫州州學教授 徐天麟 上進

食貨一

墾田數

漢提封田一萬萬四千五百一十三萬六千四百五
頃其一萬萬二百五十二萬八千八百八十九頃邑
居道路山川林澤羣不可墾其三千二百二十九萬
九百四十七頃可墾不墾定墾田八百二十七萬五
百三十六頃漢極盛矣地理志

限民名田

董仲舒說武帝曰秦用商鞅之法改帝王之制除井

田民得賣買富者田連阡陌貧者二立錐之地小民

安得不困漢興循而未改古井田法雖難卒行宜少

近古限民名田以澹不足師古曰名田占田也名為

弱之家可足也塞兼井之路然後可善治也食貨志

元光中令賈人有市籍及家屬皆無得名田以便農

敢犯令没入田貨食貨志

哀帝即位師丹建言古之聖王莫不設井田然後治

廼可平文帝務勸農桑帥以節儉未有并兼之害故

不為民田及奴婢為限今豪富吏民訾數鉅萬而貧

者俞困宜略為限天子下其議丞相孔光大司空何

武奏請諸侯王列侯皆得名田國中列侯在長安公

主名田縣道及關內侯吏民名田皆毋過三十頃賈人皆不得名田為吏犯者以律論名田過品皆沒入官時田宅奴婢賈為減賤丁傳用事董賢隆貴皆不便也詔書且須後遂寢不行食貨志

代田

武帝末年以趙過為搜粟都尉過能為代田一晦三
剛歲代處故曰代田古法也后稷始剛田以二耜為
耦師古曰併兩耜而耕廣尺深尺曰剛長終晦一晦三剛一夫
三百剛而播種於剛中苗生葉以上稍耨隴草因墮
其土以附苗根故其詩曰或芸或芋黍稷凝凝芸除
草也芋附根也言苗稍壯每耨輒附根比盛暑隴盡

二十七卷八十五

西漢文獻通考卷七十五

卷

而根深能風與旱能讀故凝凝而盛也其耕耘一種

田器皆有便巧率十二夫為田一井一屋故晦五頃

鄧展曰九夫為井三夫為屋夫百畝於是為十二頃古者百步為晦漢二百四十步為晦古千二百晦則

得今用耦犁二牛三人一歲之收常過緩田晦一斛

以上縵田謂不為剛者也善者倍之過使教田大常三輔大常主諸

陵有民故亦有田種大農置工巧奴與從事為作田器二千石

遣令長三老力田及里父老善田者受田器學耕種

養苗狀民或苦少牛亡以趨澤故平都令光教過以

人輓犁過秦光以為丞教民相與庸輓犁言換功也率

多人者田日三十晦少者十三晦以故田多墾闢過

試以離宮卒田其宮墻地課得穀皆多其旁田晦一

斛以上令命家田二輔公田

韋昭曰命家謂受爵命一爵為公士以上令得

田公田優之也

又教邊郡及居延城是後邊城河東弘農三

輔大常民皆便代田用力少而得穀多

食貨志

假民公田

省苑圃

二年故秦苑園池令民得田之

下

武帝建元元年罷苑馬以賜貧民

師古曰養馬之苑禁百姓芻食

今罷

昭帝元鳳三年罷中苑賦貧民

宣帝地節元年假郡國貧民田

三年詔池籩未御幸者假與貧民又令流民還歸者

假公田貸種食

三三冊八

西漢書要卷五十一

三

屋字

元帝初元元年以三輔大常郡國公田及苑可省者

振業貧民江海陂湖園池屬少府者以假貧民勿租

賦六月省苑馬以振困乏

二年詔罷水衡禁園宜春下苑少府攸飛外池嚴籩

池田假與貧民

永光元年令民各務農畝無田者假之

哀帝建平元年大皇太后詔外家王氏田非家室皆

以賦貧民

勸農桑

漢興諸侯並起民失作業而大飢饉凡米石五千人

相食死者過半高祖乃令民得賣子就食蜀漢天下

既定輕田租什五而稅一量吏祿度官用以賦於民

食貨志

惠帝即位減田租復十五稅一鄧展曰漢初十五稅一中間廢今復之也

見本紀

四年舉民孝弟力田者復其身本紀

高后元年置孝弟力田二千石者一人本紀

文帝時民近戰國背本趨末賈誼說上曰一夫不耕

或受其飢今背本而趨末生之者甚少而靡之者甚

多天下財產何得不蹙今歐民而歸之農皆着於本

使其下各食其力末伎游食之民轉而緣南畝則蓄

積足而人樂其所矣上感誼言躬耕以勸百姓全文見食

三石五斗

西漢書要卷五十一

四

魯慶

代貨志

二年正月詔曰夫農天下之本也其開籍田朕親率

耕以給宗廟粢盛本紀

九月詔曰農天下之大本也民所恃以生也而民或

不務本而事末故生不遂朕憂其然故今茲親率羣

臣農以勸之其賜天下民今年田租之半本紀

晁錯說上曰今海內為一而蓄積未及者何也地有

遺利民有餘力生穀之士未盡墾游食之民未盡歸

農也今農夫五口之家其服役者不下二人其能耕

者不過百晦百晦之收不過百石春耕夏耘秋穫冬

藏伐薪樵治官府給繇役春不得避風塵夏不得避

暑熱秋不得避陰雨冬不得避寒凍四時之間亡日
休息又私自送往迎來弔死問疾養孤長幼在其中
勤苦如此尚復被水旱之災急政暴虐賦斂不時朝
令而暮改當具有者半賈而賣亡者取倍稱之息於
是有賣田宅鬻子孫以償責者矣而商賈大者積貯
倍息小者坐列販賣操其奇贏日游都市乘上之急
所賣必倍故其男不耕耘女不蠶織衣必文采食必
梁肉亡農夫之苦有任伯之得因其富厚交通王侯
力過吏執以利相傾千里游敖冠蓋相望乘堅策肥
履絲曳縞此商人所以兼并農人農人所以流亡者
也今法律賤商人商人已富貴矣尊農夫農夫已貧

賤矣故俗之所貴主之所賤也吏之所卑法之所尊
也上下相反好惡乖迕而欲國富法立不可得也方
今之務莫若使民務農而已矣欲民務農在於貴粟
貴粟之道在於使民以粟為賞罰今募天下入粟縣
官得以拜爵得以除罪如此富人有所爵農民有錢粟
有所潔夫能入粟以受爵皆有餘者也取於有餘以
供上用則貧民之賦可損所謂損有餘補不足令出
而民利者也

食貨志

十二年詔曰道民之路在於務本朕親率天下農十
年于今而野不加辟歲一不登民有飢色吾詔書數
下歲勸民種植而功未興是吏奉吾詔不勤而勸民

不明也其賜農民今年租稅之半又曰力田為生之本也其以戶口率置孝弟力田常員令各率其意以道民焉

紀本

十三年二月詔曰朕親率天下農耕以供粢盛皇后親桑以奉祭服其具禮儀

紀本

六月詔曰農天下之本務莫大焉今瘞身從事而有租稅之賦其於勸農之道未備其除田之租稅

紀本

景帝後二年四月詔曰雕文刻鏤傷農事者也錦繡纂組害女紅者也農事傷則飢之本也女紅害則寒

之原也夫飢寒並至而能亡為非者寡矣朕親耕后親桑以奉宗廟粢盛祭服為天下先不受獻減大官

三十八

西漢全書卷五十一

六

吳

省繇賦欲天下務農蠶素有蓄積以備災害

紀本

三年春詔曰農天下之本也黃金珠玉飢不可食寒不可衣以為幣用不識其終始閭歲或不登意為末

者眾農民寡也其令郡國務勸農桑益種植可得衣食物

紀本

孝景婁敕有司以農為務

食貨志

武帝之初國家亡事非遇水旱則民人給家足都鄙廩庾盡滿大倉之粟陳陳相因充溢露積於外腐敗

而不可食是後外事四夷內興功利役費並興而民去本董仲舒說上曰春秋他穀不書至於麥禾不成

則書之今關中之俗不好種麥願詔大司農使關中

民益種宿麥毋令後時食貨志

親耕籍田以為農先董仲舒傳

元狩三年遣詣者勸有水災郡種宿麥本紀

征和四年上耕于鉅定本紀

仲舒又言古井田法雖難卒行宜少近古限民名田

以澹不足塞并兼之路薄賦歛省繇役以寬民力然

後可善治也帝末年悔征伐之事廼封丞相為富民

侯下詔曰方今之務在於力農以趙過為搜粟都尉

過能為代田用力少而得穀多食貨志

昭帝始元元年二月上耕于鈞者弄田本紀

六年正月耕于上林本紀

元平元年詔曰天下以農桑為本日者省用罷不急

官省外繇耕桑者益眾而百姓未能家給其減口賦

錢本紀

昭帝時流民稍還田野益闢頗有蓄積食貨志

宣帝即位用吏多選賢良百姓安土歲數豐穰穀石

至五錢農人少利大司農景壽昌請置常平倉以穀

賤時增其價而糴以利農穀貴時減賈而糶民使之

食貨志

蔡癸以好農使勸郡國至大官同上

元帝建昭五年三月詔曰方春農桑興百姓戮力自

盡之時也故正月勞農勸民無使後時今不良之吏

覆按小罪速召證案與不急之事以妨百姓使失一時之作忘終歲之功公卿其明察申救之紀本

成帝陽朔四年詔曰夫洪範八政以食為首斯誠家給刑錯之本也先帝劭農薄其租稅寵其強力令與孝弟同科間者民彌惰怠鄉本者少將何以矯之方東作時其令二千石勉勸農桑出入阡陌致勞來之

紀本

平帝元始元年置大司農部丞十三人部一州勸農

桑

紀本

龔遂為渤海太守見齊俗奢侈好末伎不田作廼勸民務農桑令口種一本榆百本蠶五十本葱一畦韭

家二母彘五雞使民賣劔買牛賣刀買犢郡中皆有

蓄積吏民富實傳本

召信臣守南陽躬勸耕農出入阡陌時行視郡中水泉開通溝瀆起水門提閘凡數十處灌溉至三萬頃為民作均水約束刻石立田畔郡中莫不耕稼力田戶口增倍傳本

西漢會要卷第五十

